

**ACTA DA SESIÓN ORDINARIA DA XUNTA DE GOBERNO LOCAL CELEBRADA O DÍA 26 DE ABRIL DE 2019.**

Na Casa do Concello de Silleda, sendo as **TRECE HORAS E CINCO MINUTOS** do día **VINTESEIS DE ABRIL DE DOUS MIL DEZANOVE**, baixo a Presidencia do Sr. Alcalde **MANUEL CUIÑA FERNÁNDEZ**, reúnese a Xunta de Goberno Local, coa asistencia do tenente de Alcalde **KLAUS BREY MONTAÑA** e os concelleiros **ANA LUISA GONZÁLEZ COSTA**, **JESUS TABOADA LÁZARA** e **Mª del PILAR PEÓN IGLESIAS**.

Interventor da Corporación: **LEOPOLPO MOURE DOPICO**  
Secretario da Corporación: **DAVID GARCÍA LAREO (Secretario accidental)**.

O Sr. Alcalde declara aberta a sesión que se desenvolve conforme á Orde do Día seguinte:

- 1º.- **ACTAS ANTERIORES**
- 2º.- **CONTRATOS MENORES.**
- 3º.- **URBANISMO.**
- 4º.- **EXPTE. 351/2019. ADXUDICACIÓN DEFINITIVA DO EXPEDIENTE DE CONTRATACIÓN, POR PROCEDIMENTO ABERTO, DO CONTRATO PARA A XESTIÓN DA REDE DE CALOR, SUBMINISTRO DE COMBUSTIBLE, SEGUIMENTO, LABORES OPERATIVAS E DE MANTEMENTO INTEGRAL DA REDE DE CALOR CON BIOMASA DE SILLEDA.**

1º.- **ACTAS ANTERIORES.**

Queda aprobada a Acta da sesión do;  
- 05 de Abril de 2019  
- 15 de Abril de 2019

2º.- **CONTRATOS MENORES.**

**2.1.- Expte. 77/2019. Redacción de proxecto básico e de execución para edificio destinado a Viveiro de Empresas en Silleda.**

**ANTECEDENTES.** O artigo 118 da LCSP considera contratos menores os de servizos por importe inferior a 15.000 euros. Estes contratos poderán adxudicarse directamente a calquera empresario con capacidade de obrar/contratar, que conte coa habilitación profesional necesaria, e co cumprimento, segundo dispón o artigo 118 da LCSP, das condicións que seguen:

- Que non existen prestacións adxudicadas ou pendentas relacionadas co obxecto deste contrato que conxuntamente con este afecten ao procedemento de contratación.
- Que non se está alterando o obxecto do contrato para evitar a aplicación das regras xerais da contratación.
- Que a empresa seleccionada non foi adxudicataria doutros contratos menores que individual ou conxuntamente superen os límites recollidos no artigo 118.

Co obxecto de proceder a dita contratación solicitouse oferta a EDILENA DE OLIVEIRA AMORIM, a cal presenta en data 23 de abril de 2019 (Rexistro de Entrada 2019-E-RE-115) un orzamento de 11.165,00 € mais 2.344,65 € de IVE, o que fai un total de 13.509,65 €.

Polo exposto, esta Xunta de Goberno Local, ao abeiro das atribucións delegadas polo Alcalde na resolución do 15 de xuño de 2015, pola unanimidade dos seus membros presentes, **ACORDA:**

**1º.- Adxudicar** o contrato menor de “**REDACCIÓN DE PROXECTO BÁSICO E DE EXECUCIÓN PARA EDIFICIO DESTINADO A VIVEIRO DE EMPRESAS EN SILLEDADA**” a EDILENA DE OLIVEIRA AMORIM, por importe total de **13.509,65 €** – IVE incluído por valor de 2.344,65 € e base imponible 11.165,00 €.

**2º.-** Dar traslado deste acordo o adxudicatario e a Intervención municipal.

### **3º.- URBANISMO.**

**3.1.- Expte. 480/2017. Planta satélite de almacenamento e regasificación de gas Natural licuado (GNL) para subministro a Silleda.**

Visto o acordo adoptado pola Xunta de Goberno Local, en sesión celebrada o 06 de marzo de 2019, punto 4.3.- Expte. 480/2017 de licenza municipal para Planta satélite de almacenamento e regasificación de gas Natural licuado (GNL) para subministro a Silleda.

Visto que, por NEDGIA GALICIA, S.A. preséntase escritura protocolo 3203, de data 15 de decembro de 2017 do Notario de Barcelana, Dº Ricardo Ferrer Marsal, de cambio de denominación social de Gas Galicia Sociedad para el Desarrollo del Gas, S.A., por la de Nedgia Galicia, S.A.

Visto o informe emitido o 25 de abril de 2019 polo arquitecto Lino Manuel Doporto Framil no que conclúe o seguinte:

*"Vista a escritura de cambio de denominación social de GAS GALICIA a NEDGIA GALICIA presentada por rexistro de entrada 2019-S-RE-76 de día 06/03/2019, emítese novo informe que modifica ao emitido por este arquitecto o día 21 de febreiro de 2019, polo que se concedeu licenza na xunta de goberno local do día 06 de marzo de 2019:*

Solicitante	NEDGIA GALICIA S.A.		
Data de rexistro	24.XUL.2017	Nº 2017-E-RC-3352	Expediente 480/2017
Solicitud	Planta satélite de almacenamento e regasificación de gas Natural licuado (GNL) para subministro a Silleda		
Emprazamento	Polígono Industrial Área 33, Silleda		
Referencia catastral	36052A049005440000KS e 36052A049010120001LZ		Coordenadas UTM 29 ETRS89:
Parcela rexistral	n/d		X: 563159.75 m Y: 4726788.52 m
Clase de solo	Solo rústico		Superficie construída: 168 m2
Autor do Proxecto	Jose Luis Sousa López, Enxeñeiro Industrial colexiado ICOIIG nº489		
Proxecto	Básico e de execución. Visado polo Colexio Oficial		
Dirección de Obra	n/d		
Oficio de Dirección			
Orzamento (P.E.M.)	27.636,11 €		P.E.M. segundo Mbc ano 2010: €

#### NORMATIVA DE APLICACIÓN:

1 Real Decreto Legislativo 7/2015, de 30 de octubre, por el que se aprueba el texto refundido de la Ley de Suelo y Rehabilitación Urbana.

2 Plan Básico Autonómico.

3 Lei 2/2016, do 10 de febreiro, do solo de Galicia.

4 Decreto 143/2016, do 22 de setembro, polo que se aproba o Regulamento da Lei 2 2016, do 10 de febreiro, do solo de Galicia

5 Decreto 83/2018, do 26 de xullo, polo que se aproba o Plan básico autonómico de Galicia.

6 Lei 9/2013, do 19 de decembro, do emprendemento e da competitividade económica de Galicia.

7 Decreto 144/2016, do 22 de setembro, polo que se aproba o Regulamento único de regulación integrada de actividades económicas e apertura de establecementos.

8 RXU (D.3288/1978, do 25 de agosto, Regulamento de Xestión urbanística).

9 RPU (D.2159/1978, do 23 de xuño, Regulamento de Planeamento urbanístico).

10 Lei 5/2016, do 4 de maio, do patrimonio cultural de Galicia.

11 Lei 16/1985, de 25 de xuño, Patrimonio Histórico español.

12 R.D. 2187/1978, de 23 de junio de 1978. Reglamento de Disciplina Urbanística para desarrollo de Ley sobre Régimen del Suelo y Ordenación Urbana.

13 Planeamento do Concello de Silleda

13.1 Plan Xeral de Ordenación Municipal do Concello de Silleda. Aprobado definitivamente o 4 de xuño de 1981.

13.2 M.P. Parque Empresarial Área 33. Aprobado definitivamente o 22/10/1991

13.3 M.P. PXOU na Zona Antiga Feira (apartados 2 e 3). Aprobado definitivamente o 11/05/1995

13.4 M.P. PXOU en Bandeira, redución do ancho Rúa Num 5 (apartado 2). Aprobado definitivamente o 11/05/1995

13.5 M.P. PXOU na zona do Centro de Saúde. Aprobado definitivamente o 07/03/2002

13.6 M.P. PXOU na Ordenanza Reguladora do SUP (ART 78). Aprobado definitivamente o 07/03/2002

13.7 M.P. PXOU na zona Feira Internacional. Aprobado definitivamente o 08/04/2002

13.8 M.P. Parque Empresarial Área 33. Aprobado definitivamente o 22/10/1981

13.9 M.P. Plan Parcial Parque Empresarial Área 33. Aprobado definitivamente o 07/03/2002

13.10 M.P. Plan Parcial Parque Empresarial. Aprobado definitivamente o 27/03/2007

13.11 M.P. Plan Parcial Parque Empresarial. Aprobado definitivamente o 15/05/2012

13.12 M.P. Plan Xeral no ámbito da Semana Verde. Aprobado definitivamente o 06/09/2012

13.13 Plan Xeral de Ordenación Municipal do Concello de Silleda, aprobado Provisionalmente o 18/03/2016

14 Concordantes

#### ANTECEDENTES:

1. Emítase informe técnico sobre o expediente 480/2017, de solicitude de licenza asinada por NEDGIA GALICIA S.A., presentada con R.E. 2017-E-RC-3352 de 24.XUL.2017. Aporta dúas copias de proxecto técnico asinado por Jose Luis Sousa López, Enxeñeiro Industrial colexiado ICOIIG nº489.

2. Durante a tramitación do expediente, apórtase pola empresa promotora das obras, **adenda ao proxecto de planta satélite de almacenamento e regasificación de gas natural licuado (GNL) para subministración a Silleda (Pontevedra)**, con rexistro de entrada 2018-E-RC-335 de día 24 de xaneiro de 2018; adenda que se redacta coa finalidade de adaptar o proxecto á nova especificación interna do grupo Gas Natural PE.05186. GN- DG "Deseño e construción de plantas satélite de GNL.

3. O Concello de Silleda aprobou inicialmente o Plan Xeral de Ordenación Municipal o día 18/12/2012 (punto 13.13 da normativa de aplicación deste informe técnico). No acordo de aprobación estableceuse o réxime de suspensión de licenzas<sup>1</sup> durante o prazo de dous anos. Unha vez superado este praza e non habendo constancia de que fose prorrogado, enténdese que o planeamento en vigor é o de 1981, salvo mellor criterio, que será o que se aplicará na redacción do presente informe, sen prexuízo da observancia dos elementos catalogados, que foron sinalados pola Consellería competente.

4. O proxecto conta, salvo erro ou omisión involuntarios, coa documentación indicada no ANEJO I do Código Técnico da Edificación, que establece a documentación mínima necesaria para obter licenza municipal de obras.

5. A Lei 2/2016, do 10 de febreiro, do Solo de Galicia, no seu artigo 143.3 dispón que: "Unha vez presentado ante o concello, o proxecto adquire o carácter de documento público, e o seu autor responde da exactitude e veracidade dos datos técnicos consignados nel".

6. Serán responsables da aplicación do CTE os axentes que participan no proceso da edificación, segundo o establecido no capítulo III de la LOE. Segundo o art. 5.3 da Parte I do CTE, para xustificar que un edificio cumple as exixencias básicas do CTE “poderá optarse por solucións alternativas, entendidas como aquelas que se aparten total ou parcialmente dos DB. O proxectista ou o director de obra poden, baixo a súa responsabilidade e previa conformidade do promotor, adoitar solucións alternativas, sempre que xustifiquen documentalmente que o edificio proxectado cumple as esixencias básicas do CTE porque as súas prestacións son, alomenos, equivalentes ás que se obterían pola aplicación dos DB”.

7. O presente informe ten por único obxecto comprobar, dende o punto de vista técnico, a adecuación do acto pretendido ás previsións da lexislación e da ordenación territorial e urbanística de aplicación, así como ao planeamento vixente (art. 354.3 do RLSG). Respecto á lexislación específica de edificación e uso, unicamente se comprobarán aquelas normas nas que expresamente se requira o control municipal.

8. A vista da documentación presentada, e da normativa urbanística en vigor, o técnico que subscribe redacta o seguinte informe técnico ao abeiro do artigo 143.2 da Lei do Solo de Galicia, informe no que se verifican as condicións urbanísticas da parcela, as normas autonómicas relativas a accesibilidade e o ruído, así como a integridade documental e xustificación do CTE:

INFORME TÉCNICO:

9. O solo onde se pretende a actividade encóntrase clasificado no Plan Xeral de Ordenación Municipal de Silleda, aprobado definitivamente o 4 de xuño de 1981, e pola Disposición Transitoria Primeira da Lei 2/2016, do Solo de Galicia, como **Solo rústico**. Parte das instalacións encóntrase no ámbito do Polígono Industrial Área 33, con clasificación de **solo urbano, INDUSTRIA Y ALMACÉN, I.A.**. Canto ao planeamento aprobado provisionalmente, e que se relaciona no punto 13.13 da normativa de aplicación deste informe, o ámbito onde se pretende a **Planta satélite de almacenamento e regasificación de gas Natural licuado (GNL) para subministro a Silleda**, está clasificado como **solo rústico de protección agropecuaria e parte da instalación en solo urbano, INDUSTRIA Y ALMACÉN, I.A.**

10. O uso solicitado encadra dentro do artigo 35.1.m) Instalacións e infraestruturas hidráulicas, de telecomunicacións, produción e transporte de enerxía, gas, abastecemento de auga, saneamento e xestión e tratamento de residuos, sempre que non impliquen a urbanización ou transformación urbanística dos terreos polos que discorren. da Lei do solo de Galicia e sería autorizable por licenza municipal directa segundo o artigo 36, salvo mellor criterio.

11. Cumprimento dos artigos 39, 91 e 92 da Lei do solo de Galicia:

Artigo 39. Condicións xerais das edificacións no solo rústico.

CUMPRE

Para poder obter o título habilitante municipal de natureza urbanística, ou a autorización autonómica nos supostos previstos no artigo 36, para calquera clase de edificacións ou instalacións no solo rústico, deberá xustificarse o cumprimento das seguintes condicións:

a) Garantir o acceso rodado de uso público adecuado á implantación, o abastecemento de auga, a evacuación e o tratamento de augas residuais, a subministración de enerxía eléctrica, a recollida, o tratamento, a eliminación e a depuración de toda clase de residuos e, de ser o caso, a previsión de aparcadoiros suficientes, así como corrixir as repercusións que produza a implantación na capacidade e funcionalidade das redes de servizos e infraestruturas existentes.

SI

Estas solucións deberán de ser asumidas como custo a cargo exclusivo do promotor ou promotora da actividade, formulando expresamente o correspondente compromiso en tal sentido e achegando as garantías exixidas para o efecto pola Administración na forma que regulamentariamente se determine.

b) Prever as medidas correctoras necesarias para minimizar a incidencia da actividade solicitada sobre o territorio, así como todas aquelas medidas, condicións ou limitacións tendentes a conseguir a menor ocupación territorial e a mellor protección da paisaxe, os recursos produtivos e o medio natural, así como a preservación do patrimonio cultural e a singularidade e tipoloxía arquitectónica da zona.

SI

c) Cumprir as seguintes condicións de edificación:

- As características tipolóxicas, estéticas e construtivas e os materiais, as cores e os acabados serán acordes coa paisaxe rural e coas construcións do contorno, sen prexuízo doutras propostas que se

SI

xustifiquen pola súa calidade arquitectónica.

- O volume máximo da edificación será similar ao das edificacións tradicionais existentes, agás cando resulte imprescindible superalo por exixencias do uso ou da actividade. En todo caso, deberán adoptarse as medidas correctoras necesarias para garantir o mínimo impacto visual sobre a paisaxe e a mínima alteración do relevo natural dos terreos.

SI

- Os cerramentos de fábrica non poderán exceder os 1,5 metros de altura e deberán adaptarse ao medio no que se localicen.

SI

- A altura máxima das edificacións non poderá exceder as dúas plantas nin os 7 metros medidos no centro de todas as fachadas, desde a rasante natural do terreo ao arranque inferior da vertente de cuberta.

SI

Excepcionalmente, poderá excederse a dita altura cando as características específicas da actividade, debidamente xustificadas, o fagan imprescindible.

d) Cumprir as seguintes condicións de posición e implantación:

SI

- Deberá xustificarse cumpridamente a idoneidade da localización elixida e a imposibilidade ou inconveniencia de situalas en solo urbano ou urbanizable con cualificación idónea. Tal xustificación non será necesaria cando se trate das construcións sinaladas no artigo 35.1, letras g), h), i), l) e m).

- A superficie mínima da parcela sobre a que se situará a edificación será de 2.000 metros cadrados, agás para os usos regulados no artigo 35.1.m) e para a ampliación de cemiterios. Para estes efectos, non será admisible a adscrición doutras parcelas.

- A superficie máxima ocupada pola edificación en planta non excederá o 20 % da superficie do predio. No caso de invernadoiros con destino exclusivo ao uso agrario que se instalen con materiais lixeiros e facilmente desmontables, explotacións gandeiras, establecementos de acuicultura e infraestruturas de tratamento ou depuración de augas, poderán ocupar ata o 60 % da superficie da parcela, e a ampliación dos cemiterios, a totalidade dela.

Excepcionalmente, os instrumentos establecidos pola lexislación de ordenación do territorio poderán permitir unha ocupación superior para estas actividades, sempre que se manteña o estado natural, polo menos, nun terzo da superficie da parcela.

- Os edificios situaranse dentro da parcela, adaptándose no posible ao terreo e ao lugar máis apropiado para conseguir a maior redución do impacto visual e a menor alteración da topografía do terreo.

- Os recuamentos das construcións aos lindes da parcela deberán garantir a condición de illamento, e en ningún caso poderán ser inferiores a 5 metros.

- As condicións de abancalamiento obrigatorio e de acabado dos bancais resultantes deberán definirse e xustificarse no proxecto, de modo que quede garantido o mínimo impacto visual sobre a paisaxe e a mínima alteración da topografía natural dos terreos.

- Manterase o estado natural dos terreos ou, se é o caso, o uso agrario deles ou con plantación de arboredo ou especies vexetais en, polo menos, a metade da superficie da parcela, ou nun terzo dela cando se trate de infraestruturas de tratamento ou depuración de augas.

f) As edificacións destinadas a uso residencial complementario da explotación agrícola ou gandeira deberán estar intimamente ligadas a elas. Para tal efecto, deberá acreditarse que o solicitante é titular dunha explotación das sinaladas e que esta cumpre os requisitos que regulamentariamente se determinen.

Non procede

g) As novas explotacións gandeiras sen base territorial non poderán situarse a unha distancia inferior a 500 metros dos núcleos rurais ou urbanos e a 100 metros da vivenda máis próxima, agás que o planeamento municipal motive, atendendo as circunstancias propias do territorio, outras distancias diferentes, sempre salvagardando a calidade ambiental do contorno. Cando se trate de novas explotacións con base territorial, a distancia mínima aos asentamentos de poboación e á vivenda máis próxima será de 100 metros.

SI<sup>2</sup>

Non procede

A distancia á vivenda non será tida en conta se esta e a explotación son do mesmo titular.

Para os efectos desta lei, considérase explotación gandeira a unidade técnico-económica caracterizada pola existencia dunhas instalacións e un conxunto de animais, así como outros bens que, organizados polo seu titular, sirvan para a cría, produción e reprodución de animais e a obtención de produtos gandeiros ou prestación de servizos complementarios.

**Artigo 91. Adaptación ao ambiente e protección da paisaxe.**

**CUMPRE**

As construcións e instalacións deberán adaptarse ao ambiente no que estean situadas, e para tal efecto:

a) As construcións en lugares inmediatos a un edificio ou a un conxunto de edificios de carácter histórico ou tradicional deberán harmonizar con el.	SI
b) Nos lugares de paisaxe aberta ou natural, ou nas perspectivas que ofrezan os conxuntos urbanos de características históricas ou tradicionais e nas inmediacións das estradas ou camiños de traxecto pintoresco, non se permitirá que a situación, masa ou altura das construcións, muros e cerramentos, ou a instalación doutros elementos, limiten o campo visual para contemplar as belezas naturais, rompan a harmonía da paisaxe, desfiguren a perspectiva propia dela ou limiten ou impidan a contemplación do conxunto.	35.1.m)
c) A tipoloxía das construcións e os materiais e as cores empregados deberán favorecer a integración no contorno inmediato e na paisaxe.	SI
d) As construcións deberán presentar todos os seus paramentos exteriores e cubertas totalmente terminados.	Si
e) Queda prohibida a publicidade estática que polas súas dimensións, localización ou colorido non cumpra as anteriores prescricións.	SI
f) Nas zonas de fluxo preferente e nas áreas ameazadas por graves riscos naturais ou tecnolóxicos como explosión, incendio, contaminación, afundimento ou outros análogos só se permitirán as construcións e usos admitidos polas lexislacións sectoriais correspondentes.	Non procede

**Artigo 92. Protección das vías de circulación.**

1. As construcións e cerramentos que se constrúan con obra de fábrica, vexetación ornamental ou outros elementos permanentes en zonas non consolidadas pola edificación terán que desprazarse un mínimo de 4 metros do eixe da vía pública á que dean fronte, agás que o instrumento de ordenación urbanística estableza unha distancia superior. Unicamente se exclúe desta obriga a colocación de marcos e cerramentos de postes e arame destinados a delimitar a propiedade rústica, así como o establecido no artigo 26.1.e).	N/d
2. En todo caso, deberá cumprirse o disposto pola lexislación sectorial aplicable.	SI

12. Consonte ao Plan Parcial vixente, esta actividade é compatible no ámbito definido con esta ordenanza, no uso definido no parágrafo 3.5.4 **usos autorizados**:

**INSTALACION DE LOS SERVICIOS DE DISTRIBUCION DE ENERGIA ELECTRICA, AGUA Y LIMPIEZA**

Estaciones de generación, transporte, transformación y distribución de energía eléctrica; instalaciones de elevación, conducción, distribución y depuración de aguas; limpieza, desinfección, destrucción o aprovechamiento de productos residuales urbanos, etc.

13. Canto á tramitación ambiental, a LEI 9/2013, do 19 de decembro, do emprendemento e da competitividade económica de Galicia, a actuación proxectada non figura no ANEXO no que se inclúen as actividades sometidas a Avaliación de Incidencia Ambiental. Por tanto, enténdese que **está excluída do procedemento de avaliación de incidencia ambiental**.

14. Segundo o artigo 92 da Lei 2/2016 do Solo de Galicia "Protección das vías de circulación":

1. As construcións e cerramentos que se constrúan con obra de fábrica, vexetación ornamental ou outros elementos permanentes en zonas non consolidadas pola edificación terán que desprazarse un mínimo de 4 metros do eixe da vía pública á que dean fronte, agás que o instrumento de ordenación urbanística estableza unha distancia superior.

15. Segundo o artigo 39.c) da Lei 2/2016 do Solo de Galicia:

– Os cerramentos de fábrica non poderán exceder os 1,5 metros de altura e deberán adaptarse ao medio no que se localicen.

16. O proxecto presentado xustifica o cumprimento do establecido no **Real Decreto 2267/ 2004**, de 3 de decembro, polo que se aproba o **Regulamento de seguridade contra incendios nos establecementos industriais**, segundo se xustifica no ANEXO 1 da memoria e na documentación gráfica do proxecto.

17. De acordo coa valoración levada a cabo polos servizos técnicos municipais, considérase axeitado o orzamento que figura na memoria técnica.

18. Segundo o indicado no artigo 36.2 da Lei do Solo de Galicia, e posto que se trata de Solo rústico, non se precisaría solicitar informes sectoriais ao abeiro do establecido no nomeado artigo 36.

19. Segundo o indicado no artigo 144 da Lei do Solo de Galicia, *Prelación de licencias e outros títulos administrativos*, a xuízo deste arquitecto, **sería preciso ter, con carácter previo á concesión de licenza municipal e previos os trámites oportunos, as autorizacións previas dos seguintes organismos:**

19.1 Dirección Xeral de Enerxía e Minas.

19.1.1 Consta no expediente autorización do citado organismo con CVE3: TuNoQQ2dQ1. Posteriormente, a consecuencia da ADENDA que foi redactada logo da nova especificación interna do grupo Gas Natural PE.05186. GN- DG "Deseño e construción de plantas satélite de GNL", sométese a novo informe, que foi emitido con CVE4: MriLqvi0P7

**Polo que o técnico que subscribe considera que o proxecto presentado non contradí a Normativa urbanística vixente, polo que se INFORMA FAVORABLEMENTE a solicitude de concesión da licenza de Planta satélite de almacenamento e regasificación de gas Natural licuado (GNL) para subministro a Silleda solicitada dende o punto de vista técnico, e propónse para a concesión de licenza municipal de obra, con arreglo ás limitacións que se establecen neste informe técnico, se ben para o inicio da actividade será preciso aportar comunicación previa conforme ao modelo oficial.**

Faise constar que o artigo 91 "Adaptación ao ambiente e protección da paisaxe" da Lei 2/2016, do 10 de febreiro, do Solo de Galicia, establece o seguinte:

c) **A tipoloxía das construcións e os materiais e as cores empregados deberán favorecer a integración no contorno inmediato e na paisaxe.**

d) **As construcións deberán presentar todos os seus paramentos exteriores e cubertas totalmente terminados.**

e) **Queda prohibida a publicidade estática que polas súas dimensións, localización ou colorido non cumpra as anteriores prescricións.**

De acordo co artigo Artigo 357, Resolución, do Decreto 143/2016, do 22 de setembro, polo que se aproba o Regulamento da Lei 2/2016, do 10 de febreiro, do solo de Galicia, "**Será requisito indispensable en todas as obras dispor, xunto á obra, de copia autorizada da licenza municipal, e nas obras maiores a colocación do cartel indicador en que se faga constar o nome e apelidos das persoas técnicas e directoras e da persoa contratista, ordenanza que se aplica, usos aos que se vai a destinar a construción, data de expedición da licenza, o prazo de execución das obras, o número de plantas autorizadas e o número de expediente**".

**Porén, non poderán iniciarse as obras ata a presentación no Rexistro do Concello e posterior supervisión da seguinte documentación:**

1. **Oficios de dirección, de dirección de execución e designación de coordinación en materia de seguridade e saúde das obras no seu caso."**

Polo exposto, e de acordo co informe técnico transcrito, esta Xunta de Goberno Local, ao abeiro das atribucións delegadas polo Alcalde na resolución do 15 de xuño de 2015, pola unanimidade dos seus membros presentes, ACORDA:

**Primeiro.- CONCEDER**, salvo o dereito de propiedade e sen prexuízo de terceiros, licenza municipal de obra a NEDGIA GALICIAG S.A., para Planta satélite de almacenamento e regasificación de gas Natural licuado (GNL) para subministro a Silleda, no Polígono Industrial Área 33 (Silleda) con arreglo ás

limitacións que se establecen no informe técnico transcrito, indicándolle que non poderán iniciarse as obras ata a presentación no Rexistro do Concello e posterior supervisión da seguinte documentación:

1. Oficios de dirección, de dirección de execución e designación de coordinación en materia de seguridade e saúde das obras no seu caso.

**Segundo.-** Liquidación do Imposto de Construcións Instalacións e Obras ( ICIO ) e taxas.

a) Liquidación da taxa polo outorgamento de licenza urbanística:

Base imponible €	Base liquidable €	Tipo gravame	Débeda tribut. €	Pagado €	Débeda. pte. €
60,00	60,00		60,00	0,00	60,00

b) Liquidación do ICIO:

Base imponible €	Base liquidable €	Tipo gravame	Débeda tribut.€	Pagado €	Débeda. pte. €
27.636,11	27.636,11	2,25 %	621,81	0,00	621,81

**Terceiro.-** Prazos de ingreso e Medios de pago

Prazos de ingreso

O pago en período voluntario das liquidacións provisionais deberá facerse nos prazos indicados no artigo 62.2 da Lei 58/2003, do 17 de decembro, Xeral Tributaria:

a) Se a notificación da liquidacións se realiza entre os días un e 15 de cada mes, dende a data de recepción da notificación ata o 20 do mes posterior ou, se este non fora hábil, ata o inmediato hábil seguinte.

b) Se a notificación da liquidación se realiza entre os días 16 e derradeiro de cada mes, dende a data de recepción da notificación ata o día cinco do segundo mes posterior ou, se este non fora hábil, ata o inmediato hábil seguinte.

Medios de pago

O Ingreso efectuarase mediante transferencia bancaria á conta que o concello ten aberta en Banco SANTANDER é que é a seguinte: 0030/6210/22/0925476271.

**Cuarto.-** Contra o acordo de concesión de licenza, que pon fin á vía administrativa, poderá interpoñer o recurso potestativo de reposición regulado nos artigos 52 da Lei 7/1985, de 2 de abril, Reguladora das Bases de Réxime Local, e 116 e seguintes da Lei 30/1992, de 30 de novembro, de Réxime Xurídico das Administracións Públicas e do Procedemento Administrativo Común, ante a Xunta de Goberno Local no prazo dun mes a contar dende o día seguinte ao da notificación, ou interpoñer recurso contencioso-administrativo ante o Xulgado do Contencioso-administrativo de Pontevedra, no



prazo de dous meses (artigos 8 e 46 da Lei 29/1998, de 13 de xullo, Reguladora da Xurisdicción contencioso-administrativa), todo ilo sen perxuízo de que poida exercer calquera outra actuación que estime pertinente para a defensa dos seus dereitos.

Contra as liquidacións poderá interpoñer o recurso de reposición establecido no artigo 14.2 do Real Decreto Legislativo 2/2004, do 5 de marzo, polo que se aproba o Texto Refundido da Lei Reguladora das Facendas Locais, ante a Xunta de Goberno Local no prazo dun mes a contar dende o día seguinte ao da notificación debendo facer constar os extremos indicados no apartado f) do devandito artigo. O recurso deberá ser resolto no prazo dun mes a contar dende o día seguinte ao da súa presentación entendéndose desestimado cando non recaiese resolución en prazo. Contra a resolución do recurso de reposición non poderá interpoñerse de novo este recurso, podendo interpoñerse directamente o recurso contencioso-administrativo ante o Xulgado do Contencioso-administrativo de Pontevedra, no prazo de dous meses (artigos 8 e 46 da Lei 29/1998, de 13 de xullo, Reguladora da Xurisdicción contencioso-administrativa).

### **3.2.- Expte. 2240/2018. Reparación e restauración Mosteiro de Carboeiro. Dirección Xeral de Patrimonio Cultural-Xunta de Galicia.**

Vista a solicitude de licenza, presentada pola DIRECCIÓN XERAL DE PATRIMONIO CULTURAL - XUNTA DE GALICIA, Rexistro de Entrada nº 2018-E-RC-2841 de data 25 de xuño de 2018, para reparación e restauración Mosteiro de Carboeiro, no Mosteiro San Lourenzo de Carboeiro (Silleda).

Visto o informe emitido o 25 de abril de 2019 polo arquitecto Lino Manuel Doporto Framil no que conclúe o seguinte:

"Solicitante	Dirección Xeral de Patrimonio Cultural. Xunta de Galicia		
Data de rexistro	25.XUÑ.2018	Nº 2018-E-RC-2841	Expediente 2240/2018
Solicitude	Reparación e restauración Mosteiro de Carboeiro		
Emprazamento	Mosteiro de San Lourenzo de Carboeiro		
Referencia catastral	36052A01800126		Coordenadas UTM 29 ETRS89:
Parcela rexistral	n/d		X: 561686.92 Y: 4733941.70
Clase de solo	Solo rústico		Superficie construída: m2
Autor do Proxecto	Aida Janeiro Rama, Arquitecta Colexiada 4843		
Proxecto	Básico e de execución. Sen visar (Real Decreto 1000/2010, sobre visado colegial obligatorio)		
Dirección de Obra	n/d		
Oficio de Dirección			
Dirección de Execución	n/d		
Oficio Direc. Execución			
Orzamento (P.E.M.)	224.354,93 €		P.E.M. segundo Mbc ano 2010: €

#### NORMATIVA DE APLICACIÓN:

1 Real Decreto Legislativo 7/2015, de 30 de outubro, por el que se aprueba el texto refundido de la Ley de Suelo y Rehabilitación Urbana.

2 Plan Básico Autonómico.

3 Lei 2/2016, do 10 de febreiro, do solo de Galicia.

4 Decreto 143/2016, do 22 de setembro, polo que se aproba o Regulamento da Lei 2 2016, do 10 de febreiro, do solo de Galicia

5 Decreto 83/2018, do 26 de xullo, polo que se aproba o Plan básico autonómico de Galicia.

6 Lei 9/2013, do 19 de decembro, do emprendemento e da competitividade económica de Galicia.

7 Decreto 144/2016, do 22 de setembro, polo que se aproba o Regulamento único de regulación integrada de actividades

económicas e apertura de establecementos.

8 RXU (D.3288/1978, do 25 de agosto, Regulamento de Xestión urbanística).

9 RPU (D.2159/1978, do 23 de xuño, Regulamento de Planeamento urbanístico).

10 Lei 5/2016, do 4 de maio, do patrimonio cultural de Galicia.

11 Lei 16/1985, de 25 de xuño, Patrimonio Histórico español.

12 R.D. 2187/1978, de 23 de junio de 1978. Reglamento de Disciplina Urbanística para desarrollo de Ley sobre Régimen del Suelo y Ordenación Urbana.

13 Planeamento do Concello de Silleda

13.1 Plan Xeral de Ordenación Municipal do Concello de Silleda. Aprobado definitivamente o 4 de xuño de 1981.

13.2 M.P. Parque Empresarial Área 33. Aprobado definitivamente o 22/10/1991

13.3 M.P. PXOU na Zona Antiga Feira (apartados 2 e 3). Aprobado definitivamente o 11/05/1995

13.4 M.P. PXOU en Bandeira, redución do ancho Rúa Num 5 (apartado 2). Aprobado definitivamente o 11/05/1995

13.5 M.P. PXOU na zona do Centro de Saúde. Aprobado definitivamente o 07/03/2002

13.6 M.P. PXOU na Ordenanza Reguladora do SUP (ART 78). Aprobado definitivamente o 07/03/2002

13.7 M.P. PXOU na zona Feira Internacional. Aprobado definitivamente o 08/04/2002

13.8 M.P. Parque Empresarial Área 33. Aprobado definitivamente o 22/10/1981

13.9 M.P. Plan Parcial Parque Empresarial Área 33. Aprobado definitivamente o 07/03/2002

13.10 M.P. Plan Parcial Parque Empresarial. Aprobado definitivamente o 27/03/2007

13.11 M.P. Plan Parcial Parque Empresarial. Aprobado definitivamente o 15/05/2012

13.12 M.P. Plan Xeral no ámbito da Semana Verde. Aprobado definitivamente o 06/09/2012

13.13 Plan Xeral de Ordenación Municipal do Concello de Silleda, aprobado Provisionalmente o 18/03/2016

14 Concordantes

#### ANTECEDENTES:

1. Emítase informe técnico sobre o expediente 2240/2018, de solicitude de licenza asinada por Dirección Xeral de Patrimonio Cultural. Xunta de Galicia, presentada con R.E. 2018-E-RC-2841 de 25.XUÑ.2018. Aporta unha copia de proxecto técnico asinado por Aida Janeiro Rama, Arquitecta colexiada 4843.

2. O Concello de Silleda aprobou inicialmente o Plan Xeral de Ordenación Municipal o día 18/12/2012 (punto 13.13 da normativa de aplicación deste informe técnico). No acordo de aprobación estableceuse o réxime de suspensión de licenzas durante o prazo de dous anos. Unha vez superado este prazo e non habendo constancia de que fose prorrogado, enténdese que o planeamento en vigor é o de 1981, salvo mellor criterio, que será o que se aplicará na redacción do presente informe, sen prexuízo da observancia dos elementos catalogados, que foron sinalados pola Consellería competente.

3. O proxecto conta, salvo erro ou omisión involuntarios, coa documentación indicada no ANEJO I do Código Técnico da Edificación, que establece a documentación mínima necesaria para obter licenza municipal de obras.

4. A Lei 2/2016, do 10 de febreiro, do Solo de Galicia, no seu artigo 143.3 dispón que: “Unha vez presentado ante o concello, o proxecto adquire o carácter de documento público, e o seu autor responde da exactitude e veracidade dos datos técnicos consignados nel”.

5. Serán responsables da aplicación do CTE os axentes que participan no proceso da edificación, segundo o establecido no capítulo III de la LOE. Segundo o art. 5.3 da Parte I do CTE, para xustificar que un edificio cumple as exixencias básicas do CTE “poderá optarse por solucións alternativas, entendidas como aquelas que se aparten total ou parcialmente dos DB. O proxectista ou o director de obra poden, baixo a súa responsabilidade e previa conformidade do promotor, adoitar solucións alternativas, sempre que xustifiquen documentalmente que o edificio proxectado cumple as esixencias básicas do CTE porque as súas prestacións son, alomenos, equivalentes ás que se obterían pola aplicación dos DB”.

6. O presente informe ten por único obxecto comprobar, dende o punto de vista técnico, a adecuación do acto pretendido ás previsións da lexislación e da ordenación territorial e urbanística de aplicación, así como ao planeamento vixente (art. 354.3 do RLGS). Respecto á lexislación específica de edificación e uso, unicamente se comprobarán aquelas normas nas que expresamente se requira o control municipal.

7. A vista da documentación presentada, e da normativa urbanística en vigor, o técnico que subscribe redacta o seguinte informe técnico ao abeiro do artigo 143.2 da Lei do Solo de Galicia, informe no que se verifican as condicións urbanísticas

da parcela, as normas autonómicas relativas a accesibilidade e o ruído, así como a integridade documental e xustificación do CTE:

INFORME TÉCNICO:

8. O solo onde se pretende a actividade encóntrase clasificado no Plan Xeral de Ordenación Municipal de Silleda, aprobado definitivamente o 4 de xuño de 1981, e pola Disposición Transitoria Primeira da Lei 2/2016, do Solo de Galicia, como Solo rústico. Canto ao planeamento aprobado provisionalmente, e que se relaciona no punto 13.13 da normativa de aplicación deste informe, o ámbito onde se pretende a Reparación e restauración Mosteiro de Carboeiro, está clasificado como solo rústico de protección de espazos naturais e de augas.

9. O elemento no que se intervén ten o rango de Ben de Interese Cultural, por Decreto de 4 de xuño de 1931. Por outra parte, as edificacións que formaban o conxunto monacal constitúen un ámbito protexido, delimitado como tal no planeamento aprobado provisionalmente, conformado polos elementos que se sinalan no cadro:

Ficha	Elemento	Grao de protección
04.07	MOSTEIRO DE CARBOEIRO	PATRIMONIO ARQUEOLÓXICO
04.03	Muíño do Mosteiro de San Lourenzo de Carboeiro	ESTRUTURAL
04.04	Calzada Medieval de acceso á ponte	INTEGRAL
04.05	Ponte de Carboeiro	ESTRUTURAL

10. O uso solicitado encadra dentro do artigo 35.1.a) **Accións sobre o solo ou subsolo que impliquen movementos de terra, tales como dragaxes, defensa de ríos e rectificación de leitos, abancalamientos, desmontes e recheos.** da Lei do solo de Galicia e sería autorizable por licenza municipal directa segundo o artigo 36, salvo mellor criterio.

11. O proxecto presentado xustifica o non cumprimento da normativa vixente en materia de **Accesibilidade** de Galicia, posto que se trata de obras nas cubertas.

12. O proxecto presentado xustifica o cumprimento do establecido no **Documento Básico Seguridade en caso de Incendios, DB-SI**, segundo se xustifica na memoria e na documentación gráfica do proxecto.

13. De acordo coa valoración levada a cabo polos servizos técnicos municipais, considérase axeitado o orzamento que figura na memoria técnica.

14. Segundo o indicado no artigo 36.2 da Lei do Solo de Galicia, Réxime de usos, a xuízo deste arquitecto, en función da protección especial do solo non que se pretenden executar as obras, sería preciso contar có informe emitido polo seguinte organismo:

14.1 Dirección xeral de Protección da Natureza da Consellería de Medio Ambiente e Ordenación do Territorio, ao abeiro do sinalado no artigo 36.2 da Lei do Solo por encontrarse en solo rústico de Protección de Espazos Naturais.

14.1.1 Consta no expediente autorización do citado organismo con CVE2: G8uaoW1Vq1

14.2 Instituto de Estudos do Territorio, ao abeiro do sinalado no artigo 36.2 da Lei do Solo por encontrarse en solo rústico de Protección da Paisaxe.

14.3 Augas de Galicia, ao abeiro do sinalado no artigo 36.2 da Lei do Solo por encontrarse en solo rústico de Protección de Augas.

15. Segundo o indicado no artigo 144 da Lei do Solo de Galicia, Prelación de licencias e outros títulos administrativos, a xuízo deste arquitecto, **sería preciso ter, con carácter previo á concesión de licenza municipal e previos os trámites oportunos, as autorizacións previas dos seguintes organismos:**

15.1 Secretaría Xeral de Cultura da Dirección Xeral de Protección do Patrimonio Cultural, a fin de que se emita informe previo á concesión de licenza municipal de obra, que se pretende executar nas proximidades da Vía da Prata.

15.1.1 Consta no expediente autorización do citado organismo asinado o día 17 de abril de 2018.

Polo que o técnico que subscribe considera que o proxecto presentado non contradí a Normativa urbanística vixente, polo que se INFORMA FAVORABLEMENTE a solicitude de concesión da licenza de Reparación e restauración Mosteiro de Carboeiro solicitada dende o punto de vista técnico, e propónse para a concesión de licencia municipal de obra, con arreglo ás limitacións que establezan os informes sectoriais sinalados no punto 15 deste informe técnico, se ben para o inicio da actividade será preciso aportar comunicación previa conforme ao modelo oficial.

De acordo có artigo Artigo 357, Resolución, do Decreto 143/2016, do 22 de setembro, polo que se aproba o Regulamento da Lei 2/2016, do 10 de febreiro, do solo de Galicia, "**Será requisito indispensable en todas as obras dispor, xunto á obra, de copia autorizada da licenza municipal, e nas obras maiores a colocación do cartel indicador en que se faga constar o nome e apelidos das persoas técnicas e directoras e da persoa contratista, ordenanza que se aplica, usos aos que se vai a destinar a construción, data de expedición da licenza, o prazo de execución das obras, o número de plantas autorizadas e o número de expediente**".

Porén, non poderán iniciarse as obras ata a presentación no Rexistro do Concello da seguinte documentación:

1. Oficios de dirección, de dirección de execución e designación de coordinación en materia de seguridade e saúde das obras no seu caso."

Polo exposto, e de acordo co informe técnico transcrito, esta Xunta de Goberno Local, ao abeiro das atribucións delegadas polo Alcalde na resolución do 15 de xuño de 2015, pola unanimidade dos seus membros presentes, ACORDA:

**Primeiro.- CONCEDER**, salvo o dereito de propiedade e sen prexuízo de terceiros, licenza municipal de obra a DIRECCIÓN XERAL DE PATRIMONIO CULTURAL - XUNTA DE GALICIA, para reparación e restauración do Mosteiro de Carboeiro (Silleda), indicándolle que non poderán iniciarse as obras ata a presentación no Rexistro do Concello e posterior supervisión da seguinte documentación:

1. Oficios de dirección, de dirección de execución e designación de coordinación en materia de seguridade e saúde das obras no seu caso.

### 3.3.- Expte. 1437/2018. Devolución ICIO. María José Costoya Filloy.

Visto o escrito presentado por María José Costoya Filloy, Rexistro de Entrada 2018-E-RC-4060, de data 25 de setembro de 2018, solicitando devolución de parte do ICIO correspondente a licenza otorgado pola Xunta de Goberno Local do 14 de xuño de 2016 para Legalización e Ampliación de explotación de vacún de leite no lugar de Arcos - parroquia de Grava.

Visto o informe emitido o 26 de abril de 2019 polo arquitecto Lino Manuel Doporto Framil no que conclúe o seguinte:

"Solicitante	María José Costoya Filloy		
Data de rexistro	23.SET.2018	Nº 2018-E-RC-4060	Expediente 1437/2018
Emprazamento	Lugar Arcos, s/nº, Grava		
Referencia catastral	36052B501005550000AR		
ASUNTO:	Devolución de ICIO		

INFORME:

1. A xunta de goberno local do Concello de Silleda concedeu, entre outros, licenza de obra o día 14 de xuño de 2016 concedeu licenza de obra para legalización e ampliación de explotación porcina, para un proxecto con un orzamento de execución material de 142.948,66€.

2. Posteriormente, o día 6 de xuño de 2018, presenta Anejo I ao proxecto de legalización e ampliación de explotación porcina, na que se reduce o orzamento de execución material a 119.988,86€. neste sentido, o informe asinado por este arquitecto o día 6 de agosto de 2018:

3. 1. A modificación que este anejo I supón sobre a licenza orixinariamente concedida é a redución da foxa de xurro, que pasa de ter 240 m<sup>2</sup> a ter segundo este anexo 120 m<sup>2</sup>. [...]

4. Por tanto, infórmase favorablemente a solicitude e proponse, se procede, para a devolución dos impostos segundo establece a lexislación vixente."

Polo exposto, e de acordo co informe técnico transcrito, esta Xunta de Goberno Local, ao abeiro das atribucións delegadas polo Alcalde na resolución do 15 de xuño de 2015, pola unanimidade dos seus membros presentes, ACORDA:

**Primeiro.-** Que por parte da Intervención Municipal se proceda a devolución da parte correspondente do ICIO entre a obra orixinal e a executada.

**Segundo.-** Dar traslado deste acordo á interesada e a Intervención.

**4º.- EXPTE. 351/2019. ADJUDICACIÓN DEFINITIVA DO EXPEDIENTE DE CONTRATACIÓN, POR PROCEDIMENTO ABERTO, DO CONTRATO PARA A XESTIÓN DA REDE DE CALOR, SUBMINISTRO DE COMBUSTIBLE, SEGUIMENTO, LABORES OPERATIVAS E DE MANTEMENTO INTEGRAL DA REDE DE CALOR CON BIOMASA DE SILLEDA.**

ANTECEDENTES:

Visto que, pola Xunta de Goberno Local, en sesión celebrada o 05 de abril de 2019 acordouse:

**"Primeiro.- ACEPTAR** a proposta realicada pola Mesa de Contratación de data 02 de abril de 2019, en relación a contratación da obra por procedemento aberto do **"CONTRATO PARA A XESTIÓN DA REDE DE CALOR, SUBMINISTRO DE COMBUSTIBLE, SEGUIMENTO, LABORES OPERATIVAS E DE MANTEMENTO INTEGRAL DA REDE DE CALOR CON BIOMASA DE SILLEDA"**, na que se propón para a contratación a empresa **VEOLIA SERVICIOS NORTE, S.A.U.**, polo prezo de 82.351,59 €/anuais + IVE (99.645,42 €), así como as melloras incluídas na oferta.

**Segundo.-** Requirir a empresa **VEOLIA SERVICIOS NORTE, S.A.U.** dentro do prazo de dez días hábiles, presente a documentación xustificativa do cumprimento dos requisitos previos a que fai referencia o artigo 140.1 da Lei 9/2017, de 8 de novembro, de Contratos do Sector Público, pola que se transponen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, así como de dispor efectivamente dos medios que se comprometeu a dedicar ou adscribir á execución do contrato conforme ao artigo 76.2, e de constituír a garantía definitiva que sexa procedente.

**Terceiro.-** Dacordo co establecido no artigo 107 da Lei 9/2017, de 8 de novembro, de Contratos do Sector Público, pola que se transponen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, a empresa proposta deberá acreditar a constituición da garantía dun 5% do importe de adjudicación, excluído o Imposto sobre o Valor Engadido.

*Cuarto.- Notificar este acordo aos licitadores e dispor a súa publicación no perfil do contratante."*

Visto que mediante escrito con Rexistro de Saida 2019-S-RE-97, de data 09 de abril de 2019 requírese ó licitador que presentou a oferta economicamente máis ventaxosa que presente a documentación xustificativa do cumprimento dos requisitos previos a que fai referencia o artigo 140.1 da Lei 9/2017, de 8 de novembro, de Contratos do Sector Público, pola que se transponen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, así como de dispor efectivamente dos medios que se comprometeu a dedicar ou adscribir á execución do contrato conforme ao artigo 76.2, e de constituír a garantía definitiva dun 5% do importe de adxudicación, excluído o Imposto sobre o Valor Engadido, previamente a formalización en documento administrativo do contrato no prazo máximo de cinco días hábiles contados desde o seguinte ao de recepción da notificación desta resolución, segundo o disposto no artigo 153 LCSP.

Visto que mediante escrito con Rexistro de Entrada nº 1568 de data 17 de abril de 2019 o candidato VEOLIA SERVICIOS NORTE, S.A.U. constituíu a garantía definitiva polo importe de 4.117,58 €, mediante aval de "Abanca Corporación Bancaria, S.A.", de data 16 de abril de 2019, n.º 375363, ademais dos documentos xustificativos esixidos.

Visto o informe o informe técnico, de data 25 de abril de 2019, emitido polo Enxeñeiro Industrial, Ricargo González Santos.

Visto o informe de Intervención n.º 031/2019, de data 26 de abril de 2019.

Polo exposto, esta **Xunta de Goberno Local**, ao abeiro das atribucións delegadas polo Alcalde na resolución do 15 de xuño de 2015, pola unanimidade dos seus membros presentes, **ACORDA:**

Adxudicar definitivamente á empresa VEOLIA SERVICIOS NORTE, S.A.U. o contrato de **XESTIÓN DA REDE DE CALOR, SUBMINISTRO DE COMBUSTIBLE, SEGUIMIENTO, LABORES OPERATIVAS E DE MANTEMENTO INTEGRAL DA REDE DE CALOR CON BIOMASA DE SILLEDA**, nas condicións do expediente aprobado, sendo o **Prezo de Adxudicación: 99.645,42 €/anuais**. O prezo certo queda desagregado nun valor de 82.351,59 €/anuais e no IVE 17.293,83 €.

E non habendo máis asuntos que tratar, polo Sr. Presidente levántase a sesión as trece horas e trinta e cinco minutos, extendéndose a presente acta, do que como secretario dou fe e certifico.

Silleda, a 26 de abril de 2019

Vº e Prace  
O ALCALDE,  
Asdo. Manuel Cuiña Fernández

O SECRETARIO acctal.  
Asdo. David García Lareo